

Mediji za građane – građani za medije

Jačanje kapaciteta nevladinih organizacija za razvoj medijske i informacione pismenosti na Zapadnom Balkanu

Poziv za podnošenje prijedloga projekata: Medijska i informaciona pismenost za organizacije civilnog društva u Crnoj Gori

Pitanja i odgovori

Verzija: 1

Datum objavljivanja: 19. februar 2019. godine

Br.	Pitanje	Odgovor
<i>Pitanja postavljena na info sesiji održanoj 4. februara 2019. godine</i>		
1.	Da li se projektima podržanim u okviru ovog Poziva za dodjelu malih grantova može nabavljati oprema?	Nabavka malih uređaja/opreme može biti podržana u okviru ovog poziva u iznosu do 10% ukupnih direktnih projektnih troškova.
2.	Da li samo sažetak projekta mora biti na engleskom jeziku ili cijeli prijedlog projekta i zašto?	Samo sažetak projekta treba da bude na engleskom jeziku, a ostatak aplikacije na crnogorskom jeziku. Nakon što projekte pregleda Nacionalna evaluaciona komisija, konačno odluku o projektima koji će biti podržani donijeće Upravni odbor regionalnog projekta »Mediji za građane, građani za medije«, čiji su članovi van crnogorskog govornog područja, zbog čega je neophodno da im sažeci projekta budu dostupni na engleskom jeziku.
3.	Da li je za projekte neophodno obezbijediti kofinansiranje?	Nije neophodno obezbijediti kofinansiranje projekata. U okviru Poziva će projekti biti podržani u njihovoj punoj vrijednosti, od minimalnih 3.000 eura do maksimalnih 5.000 eura, koliko se može dodijeliti za pojedinačne projekte u okviru ovog Poziva.
4.	Šta se u budžetu može voditi kroz indirektno troškove?	U indirektno troškove može da spada npr. najam kancelarijskog prostora, telefon, računovodstvo i slično. Indirektni troškovi mogu iznositi maksimalno 7% ukupnih direktnih troškova.
5.	Ukoliko su svi članovi organizacije volonteri, da li se zarade ljudi koji će raditi na projektu vode kroz ljudske resurse ili negdje drugo u budžetu?	<i>Kategorija 1. Ljudski resursi</i> treba da obuhvati projektno osoblje <u>zaposleno</u> od strane aplikanta/koaplikanta. Treba izračunati bruto plate koje uključuju i troškove socijalnog osiguranja i druge srodne troškove. Ako će menadžer/koordinator projekta aplikanta/koaplikanta biti angažovan po ugovoru o djelu, što je slučaj za volontere, te troškove treba unijeti u kategoriju 3.1 <i>Naknade i honorari stručnjaka</i> .
6.	Šta podrazumijeva Ovlašćenje koaplikanta/partnera koje treba podnijeti uz prijedlog projekta?	Ovlašćenje koaplikanta/partnera, odnosno Izjava o partnerstvu je dokument kojim koaplikant/partner ovlašćuje podnosioca prijedloga projekta da u njegovo ime podnese prijavni formular i potpiše ugovor o dodjeli podgranta, te da ga podnosilac prijedloga projekta predstavlja u svim pitanjima koja se tiču ugovora o dodjeli finansijskih sredstava. Potpisivanjem ove izjave koaplikant/partner potvrđuje da je pročitao/la sam i odobrio/la sadržaje prijedloga projekta podnijetog na poziv za podnošenje prijedloga projekta za projekat Mediji za građane –

		građani za medije, te da se obavezuje da će se pridržavati principa dobre partnerske prakse. Ovlašćenje/Izjava o partnerstvu dostupna je na Internet stranici Instituta za medije kao dio aplikacionog paketa i sa njenim sadržaje se potencijalni aplikanti i koaplikanti mogu upoznati prije nego odluče na učešće u ovom Pozivu.
Pitanja postavljena putem e-maila		
1.	Da li se d.o.o može prijaviti na Poziv za dodjelu malih grantova?	<p>Kako bi se prijavila na ovaj poziv, organizacija mora ispunjavati sljedeće uslove:</p> <ol style="list-style-type: none"> 1. ima status pravnog lica nekomercijalnog karaktera i nezavisna je od svih lokalnih i regionalnih vlada, javnih tijela, političkih partija i vjerskih institucija; 2. aktivno djeluje najmanje godinu dana (posljednih 12 mjeseci prije roka za podnošenje prijedloga projekta), što se dokazuje dokumentom o registraciji; 3. ima iskustvo u uspješnom sprovođenju projekata koji se odnose na jedno ili više područja: mediji, obrazovanje, zagovaranje, javne kampanje, produkcija umjetničkih programa, razvoj digitalnih inovativnih projekata (najmanje jedan referentni projekat u posljednje 3 godine). <p>Ukoliko organizacija komecijalno posluje, ne ispunjava prvi od tri osnovna uslova za prijavu na Poziv.</p>
2.	Da li se u okviru ovog Poziva može aplicirati za nabavku opreme vrijednosti 20.000 eura?	Ne može. Maksimalna vrijednost granta koji može biti dodijeljen u okviru ovog Poziva iznosi 5.000 eura, a maksimalan iznos koji se može opredijeliti za nabavku opreme je 7% ukupnih direktnih troškova projekta.

Pregledano i odobreno od strane Nacionalne koordinatorke za podgrant.